




**Docu
scuole**
CENTRI DI DOCUMENTAZIONE
RICERCA E SPERIMENTAZIONE
DIDATTICHE PER SCUOLE FURLANE

CJANTÂ

CORS DI DIDATTICHE MUSICÂL PAR FURLAN

CUN ARIANNA PLAZZOTTA

di vinars ai 11 di Fevrâr dal 2022 in linie su plateforme Moodle

Il DocuScuole – Centri di documentazion ricerce e sperimentazion didattiche pe scuole furlane al organize une gnove edizion dal cors di didattiche musicâl in lenghe furlane pai insegnants de scuole de infanzie e de scuole primarie. Il cors al vûl dâ ai docents sugjeriments e struments par doprâ i cjants pe infanzie, de tradizion e di autôr, par ativitâts di didattiche musicâl che a puartin i arlêfs a sperimentâ lis basis de scritture musicâl, di là di meti in vore lis lôr capacitâts di scolte, di intonazion, di memorie e di coordinazion ritmiche motorie. Par ogni cjant e vignarà fate une unitât didattica complete, sedi pe infanzie che pe primarie. Cun di plui par mieç di laboratoris pratics, i insegnants a saran compagnâts tal produci ativitâts de stesse fate cun cjants siezûts di ognidun. I iscrits a an di vê un strument melodic (xilofon, flaut, sunete, melodiche...) par rivâ a la note cuant che si à di cjantâ. Il cors al è di 21 oris cun chest program:

PRIME UNITÂT DIDATTICHE: NOTIS SOL MI, MINIME, SEMIMINIME, POLSIS RELATIVIS

Vinars ai 11 di Fevrâr 17.00-19.00

Incuintri sincron su Zoom 2 oris

Di vinars ai 18 di Fevrâr

Ativitâts asincronis su Moodle 2 oris

Contignûts: dôs cjantis ineditis dedicadis aes notis sol-mi e aes figuris di minime, semiminime e polsis relativis (ta, Ta-a, un, un-doi), cun videos par vuidâ l'insegnament des cjantis in classe, la metude in vore de chironomie kodaliane e la analisi ritmiche e melodiche di fâ adun cui fruts, schedis su chescj arguments, basis musicâls, zûcs e ativitâts peâts ae altece dal sunôr e al passaç de scritture musicâl no convenzionâl a di chê convenzionâl pes notis e pes figuris tocjadis. Esemplis di leturis ritmichis e zûcs che a zovin a stazâ lis competencis cjapadis sù. Prin resonament sul repertori di cjants par fruts.

SECONDE UNITÂT DIDATTICHE:

NOTE LA, CROME

Di vinars ai 25 di Fevrâr

Ativitâts asincronis su Moodle 2 oris

Di vinars ai 4 di Març

Ativitâts asincronis su Moodle 2 oris

Contignûts: dôs cjantis ineditis dedicadis aes notis mi-sol-la e aes figuris di semiminime

e crome (ta e titi), cun videos par vuidâ l'insegnament des cjantis in classe, la metude in vore de chironomie kodaliane e la analisi ritmiche melodiche di fâ adun cui fruts, schedis su chescj arguments, basis musicâls, zûcs e ativitâts peâts ae scuvierte dal valôr de crome in rapuart ae semiminime. Esemplis di leture ritmiche e zûcs che a zovin a stazâ lis competencis cjapadis sù.

TERCE UNITÂT DIDATTICHE:

NOTE DO, POLSE DI CROME

Vinars ai 11 di Març

17.00-19.00

Incuintri sincron su Zoom

2 oris

Di vinars ai 18 di Març

Ativitâts asincronis su Moodle

2 oris

Contignûts: dôs cjantis ineditis dedicadis aes notis do-mi-sol-la e ae figure di semiminime, crome e polse di crome (ta, titi, un), cun videos par vuidâ l'insegnament des cjantis in classe, la metude in vore de chironomie kodaliane e la analisi ritmiche e melodiche di fâ adun cui fruts, schedis su chescj arguments, basis musicâls. Prime selte di repertori par creâ la unitât didattica di verifiche. Esemplis di leture ritmiche e zûcs che a zovin a stazâ lis competencis cjapadis sù.

QUARTE UNITÂT DIDATTICHE:

NOTE RE, SEMICROME

Di vinars ai 25 di Març

Ativitâts asincronis su Moodle

2 oris

Di vinars ai 1 di Avrîl

Ativitâts asincronis su Moodle

2 oris

Contignûts: dôs cjantis ineditis dedicadis aes notis do-re-mi-sol-la e aes figuris di semiminime, crome e semicrome (ta, titi, tiritiri), cun videos par vuidâ l'insegnament des cjantis in classe, la metude in vore de chironomie kodaliane e la analisi ritmiche e melodiche di fâ adun cui fruts, schedis su chescj arguments, basis musicâls. Esemplis di leturis ritmichis e zûcs che a zovin a stazâ lis competencis cjapadis sù.

VERIFICHE FINÂL

Di vinars ai 8 di Avrîl

Scritture de tesine

3 oris

Vinars ai 22 di Avrîl

17.00-19.00

Incuintri sincron su Zoom

2 oris

Contignûts: i partecipants a crearan une unitât didattica su la fate di chês presentadis e suntune cjante siezude di lôr, vie pal ultin incuintri in modalitât sincrone si fasarà il struc di dut, ançe daûr des osservazions peâts ai lavôrs presentâts.

Il cors al è a gratis e viert a no plui di 25 iscrits par permeti a la insegnante Arianna Plazzotta di stâ daûr a ducj i corsiscj e puartâur a une cressite professionâl spindibile subit te lôr classis. La formazion e je ricognossude daûr des liniis vuide MIUR par 21 oris complessivis e cui che al rivarà fin insom dal percors al podarà discjamâ l'atestât te plateforme Moodle, dulà che si ten il cors. Pes iscrizioni si à di là tal nestri sît, www.scuelefurlane.it, dentri di miercus ai 9 di Fevrâr e subit dopo us vignarà scrit cemût acedi ae prime lezion. Par vê plui informazions us consein di scrivinus o di clamânus.

DOCUSCUELE – CENTRI DI DOCUMENTAZIONE RICERCA E SPERIMENTAZIONE DIDATTICHE PER SCUOLE FURLANE

li de Societât Filologjiche Furlane, vie Manin 18 – 33100 Udin | tel. 0432.501598 – int. 5

info@scuelefurlane.it | www.scuelefurlane.it

Finanziât di

Realizât di

In colaborazion cun

